

憲章外史續編

嘉靖通志卷之三

太學生臣許重熙編次

丁十六年春正月癸卯皇三子生。康妃杜氏出也。是爲莊皇帝。○御史張景劾祭酒許成名司業童承叙下吏部議。尚書許讚留用之。

三月御史游居敬奏湛若水一迂腐之儒耳。私創書院爲不經之行。命有司毀之。○議建離宮于沙河。夏四月議討安南。自黎利得國。六傳至暕。爲其臣鄭惟鏐所弑。諒山將陳暬殺惟鏐自立。陳真逐之。立暕。兄子諲。暬將莫登庸自拔歸諲。以功封武川伯。鎮海。

陽已遂與兵尋妻諲母生應諲忿起兵攻之敗走清
華登庸卽立應復酖之自立爲帝改元明德嘉靖九
年傳位于子方瀛自稱太上皇又破清華逼諲走老
撾奴故臣黎峒立諲子寧保清化之本州遣臣鄭惟
僚來奏上欲討之以郭勛議不合止及皇子生頒
詔外國大學士言請問安南罪下廷議紛然莫決戶
侍郎唐胄獨謂帝王之天下夷狄不治治之夷狄相
攻中國之利也不當輕舉妄動爲難民復仇上竟
主討議勅邊臣先體勘之○宥戍邊諸臣還籍楊慎
王元正劉濟豐熙邵經邦馬錄馮恩呂經不宥給事

中田濡言濟已灰。熙年近七十。乞宥此七人。各與生還。或將愼錄二人量移近地。不許。

五月謹身殿災

秋七月。南禮臣霍韜劾文選郎楊育秀賄賂公行。每承舍求書奏疏。先餽二十金。方爲收用。許讚謂吏部嚴重清議俱存。承舍開納止八十金。而以二十金求入書奏。有無亦易見矣。上責讚回護奪俸。育秀降外。革去承舍。止用國子生。

八月。南科臣尹相劾霍韜悖慢怨望。丁祭先期習樂。縱飲于太常。取魚湖中。移酌松下。有戾官常。上惡。

韜襲命奪俸。○雲南巡撫汪文盛招安南夷人刁鮮爲間會莫登庸亦遣阮璟八人入雲南偵事鮮執之獲僞印一方僞大誥一道文盛疏聞降勅嘉之。○陝西總制劉天和請自徐斌水至鳴沙州百二十里改築新邊移紅寺堡于邊內兵部張瓚言先年棄河套遽爲虜巢今復欲捐地退失非計。上曰移築邊垣重勞邊人迄無成功天和擅興妄議姑奪俸。九月應天呈到試錄禮臣嚴嵩劾其批語下不填名爲大不敬大學士言謂發策以戎祀爲問語多訛訕遂命逮典試官江汝璧歐陽衢于詔獄所取貢士不

許會試。○戶尚書梁材覆詹事顧鼎臣所奏蘇湖七府田賦甲天下。而都圖總胥那移飛灑。欺官蠹民。嘉靖六七年。兩勅清覈。未有奉行。宜咨撫按督率清理。從之。

冬十一月。禮臣嚴嵩摘叅廣東試錄。體存用利等語。叅錯不經。黃郊紫微碧虛子荅尤詭異。上怒。逮監臨御史余光。法司卽訊。

十二月。武定侯勛請以其祖英侑食高廟。廷議不可。勛奏曰。往年劉基侑饗。以文臣故。舉朝翕然。臣祖武臣。乃紛紛阻忌。上是之。命英從祀。先是功臣位

次各以爵序。及基入，乃以伯爵位公侯上。上不悅，曰：「何上基而下英也？」于是通二祖功臣以爵序。升河間東平于默寧之次。英次俞胡張趙耿下。基次永義侯下。初夏言奏曰：「禮有功宗之祀。唐高祖至憲宗，宋太祖至光宗，代或三四人。魏徵李沆司馬光皆文臣，不皆武功。二祖開創，故有功臣。仁宗以後，豈無徵沆其人者？」乞考求六朝文武大臣，功澤顯著者從祀。上不許。

戊十七年春正月壬寅，甘露降龍溪縣。福建巡按李元陽奏之。

二月戊辰 上如天壽山。癸酉還京。

三月賜茅瓚等進士。初閣臣擬吳人陸師道爲元。御筆改二甲第五。仍取袁煒爲元。宣制後復召閣臣入。改煒第三。擢瓚第一。○給事中呂應祥奏曰。大同兩因兵變。競效頽靡。官吏以倉場爲奇貨。商人視盤驗爲虛文。經收監收。誨盜啓奸。乞將各犯早正典刑。以祛宿蠹。從之。

夏四月。南北畿山陝湖福大旱。京城饑民流聚。發帑賑貸。○武定侯勛條上通選法。用人材。立稽考。惜民財。蘇困苦諸事。因欲復鎮守內臣。革監收錢穀科道。

官下廷議。戶尚書李廷相言。科道以諫議糾劾爲職。監收錢穀。實非所宜。兵尚書張瓚言。皇上初詔內臣盡革。還京。及林富黃鍾等前後奏。稱餐饗殘酷。剝喪元元。俱奉明旨。永不差遣。且原非皇祖舊制。不敢輕議。上曰。內臣姑暫選用。不許作威喜事。兩京內府錢穀。原無科道監收。卽令革去。

熙按言官旣以言爲職。則百司有不當者。皆當奏劾。若復侵百司事權。則百司職掌謂何。且又何以言官名也。肅皇之革去監收。而後言者任者。爲各得其職矣。

庚戌上如平臺山於文皇駐蹕之所構亭名曰

聖蹟壬子躬祀文皇于亭中辛亥行宮有火延燕

夏言行帳癸丑御沙河官頒從臣食甲寅還京○甲

子大雩上以春夏不雨躬禱雩壇御製祝文蒸之

不應上復于宮中默禱己巳大雨羣臣表賀

五月尚書許讚奏近來有司官將朝廷學校廢壞不

修別起書院徵取師儒會講初癸則一邑治裝及舍

則羣邑供億科擾尤甚已經御史游居敬奏行撤毀

如仍有建立者撫按據實叅劾上命申飭之○通

州同知豐坊奏曰孝莫大于嚴父嚴父莫大于配天

獻皇帝宜享明堂配。嚴嵩曰：明堂之禮，其制其地，諸儒衆說不同。詩傳以爲萬物成形于秋，故秋祀明堂，以父配之。漢唐宋皆然。主親親也。至程朱所論，則主功德。今以功德則宜配。文皇以親則宜配。獻皇揆以嚴父之旨，以皇考而不得配。陛下容有未安者，然未有配天而不稱宗，稱宗而不祔太廟者。上曰：明堂秋饗，宜于奉天殿行之。嵩復議曰：皇考稱宗，侑饗允合周道。上嘉納之。○張孚敬居家病廢，其從子郡竊勢自美，里中苦之。巡按周以員請逮治郡，孚敬亦疏汝員不職，郡寢不問。○南

龍江衛官陳欽陳憲允運江西漕米勒索社首濕袴
籌會錢不盡如意縱卒捶朴社首并辱縣官監允鄭
質夫檄禁并歐質夫傷額巡撫胡岳上聞命收欽憲
付總漕都御史問

秋七月禮臣嚴嵩奏曰太宗事同開創宜稱祖以
別羣聖○慈寧宮成

八月顧鼎臣爲大學士叅閣務○給事中馮亮奏請
查革十庫內臣

九月夏言擬上太宗爲烈祖孝皇帝上不從定
爲成祖辛巳恭易廟號奉皇考爲睿宗癸未附主

于太廟辛卯大饗上帝于玄極殿奉 睿宗配禮成
宴群臣于謹身殿○乙未 上如沙河視建離宮
冬十一月丁亥朔 上詣圓丘上昊天上帝號爲皇
天上帝因詣太廟崇薦 太祖爲開天行道肇紀立
極太聖至神仁文義武峻德成功加薦高皇后爲孝
慈貞元哲順仁徽成天育聖至德大賚覃恩布詔天
下詔文各款內一尊傳註有非詆朱熹者科道指名
劾之一清大計果有正直廉潔材器超卓爲權奸排
陷者從公舉薦起用○給事中顧存仁條上五事
上怒廷杖六十發口外爲民

十二月庚申章聖太后崩上謚曰慈孝獻皇后○
申李時卒謚文康○遣尚書黃綰學士張治宣諭安
南未入境召還

巳亥十八年春正月進夏言少師顧鼎臣少保○初遷
陵之議起於革黜官隨全錢子勲以張璁不可而止
旣而庖人王福千戶陳昇監生詹啓武舉杜承美削
籍兵馬周密諸生蕭時用先後以遷陵爲請尚書汪
鉉亦言之夏言在禮部力陳不可尋上幸天壽山
見長陵西南大峪草木鬱茂以爲吉壤卽勅禮王部
移建顯陵其地比章聖崩復勅太師郭勛知山陵

事尚書蔣璠調度工作速完大峪陵功欲遷附焉尚書嚴嵩阿上意極力從與已有言顯陵山川之勝者上乃下詔欲巡承天躬閱山陵擇于二月望日子夜發京科道曾烜劉士賢各奏留不報尚書許讚疏勸慎動上切責之○起故大學士翟鑾爲行邊使分勞沿邊將士○命夏言顧鼎臣遴選東宮官二月辛丑冊立皇子載堊爲皇太子載諱爲裕王載圳爲景王○命皇太子監國年四歲矣以顧鼎臣輔之○乙巳景雲見○張孚敬卒上按謚法取危身奉上曰忠特命謚之孚敬以議禮得君驟貴恃寵驕

亢屢干上怒尋逐尋召蓋章聖欲留之也故終童
聖之世眷遇不衰其視躬峻潔朝野肅然足爲嘉靖
輔臣之冠而報復大狠之歟不悔致仕居家以私役
民取廢寺建朝闕亭寶綸樓與推官李夢祥迂巡按
周汝員至稍裁抑其家孚敬奏汝員爲夢祥報讐汝
員坐回籍

熙按孚敬得君累朝無與爲比而以私役民夫之
故一推官能抗之後來院司阿奉不遑惟事殺民
助祿真可嘆已

甲寅上發京師南巡少師言學士陸深尚書許讚

李廷相嚴嵩楊志學武定侯郭勛等扈從。○乙丑次彰德。趙王朝于行宮。○丁卯次衛輝。汝王祐棖入朝。上避座受之。○中夜火歟起。侍衛倉卒不知。上所在錦衣指揮陸炳排闥入。負上出御乘輿。宮婢內臣焚歿十餘人。法物寶玉多燬。命將該府官吏止器一人護印。餘俱縛付前驅。押行示衆。○抵亢河。填行殿復災。命逮河南巡撫易瓚。巡按馮震二司官姚文清龐浩等詔獄。悉黜爲民。○命禮官凡經過道途有附近嶽瀆及古帝王聖賢祠墓。分遣官祭。○斷藤峽捷音至。初侍郎蔡經集諸司議發兵。叅將沈希儀

謂當用八萬人副總兵張經謂用萬人副使翁萬達
是希儀議會欲征安南不果公丁益肆劫掠潯人苦
之萬達密令百戶許雄以計給之出公丁信之乃赴
叅議田汝成自白汝成慰遣之市民被虐者擁公丁
群譁邏卒併繫入置公丁獄使人諭諸徭以公丁寇
堡罪諸徭群首蠶由公丁檻致公丁于經所磔之首
惡既戮乃令張經進兵與指揮高乾分將左右軍左
軍攻紫荊石門梅嶺木昂藤冲大坑等巢右軍攻碧
灘羅溪上中下峒等巢賊東走王良輔擊之賊中斷
西奔斬首一千二百追至羅連山又斬級百餘萬達

移兵勦古陶小田諸徭歸順者千餘人。藤峽復平。奏
改武靖州爲千戶所。以三縣狼兵隸之。捷聞。進經官
一級。

三月庚午。上次鄭州。伊王周世孫來朝。辛未。次鈞
州。徽王來朝。故少保賈詠失朝。奪散官。乙亥。次南陽。
唐王來朝。巳卯。至承天府。御舊邸。壬午。謁顯陵。夜
祀龍飛殿。乙酉。祀顯陵。丙戌。楚王來朝。戊子。上
閱顯陵。御製宣諭文示群臣。而遷祔之議始寢。
○學士廖道南時居憂。以緋衣朝見。獻南巡江漢賦。景
雲頌。上命賜酒食。已而怒其衣緋。奪官不叙。○辛

耶 上回鑾免承天府田賦三年。湖廣明年什之四。
河南什之三。

夏四月己亥 駕次榮澤。鈞鄭大饑。野殍相望。大學
士夏言京山侯崔元以賑請。上爲動容。命發白金
二萬賑之。復問曰。能活萬人否。言奉命傳示于外。○
庚戌次良鄉。離宮適成。遂臨幸焉。○望日壬子 駕
到京。由宣武門入。御文華殿。命禮官奏告太廟及
奉先殿。御奉天殿受朝。諭停大峪工役。○初夏言
選官寮郎中白悅皇甫湊。御史胡守中皆在選中。給
事中劾其不公。章寢未覆。而悅湊禮部宜從行者以

擬改司直不行。及駕至承天，願賜諸臣中官按籍唱名。悅、澤不在。給事中丁湛劾悅、澤貪緣華階，避不扈從，大不敬。上怒，奪二人官二級，補外。○言當草居守官勅，未白至承天，有密奏不用原賜印記。上不懌，命錄上原進文字，又不卽上。及還朝，始以居守勅稿呈覽。上曰：爾所職何事？此稿乃今方呈耶？言輸罪。上曰：夏言小臣，不次擢用，而乃自恣不恭，日選官寮，多不稱任。密疏又違式，不奉原賜印記，其歷年諭劄及印記俱令繳上。言奏曰：印記特賜嘉旌，諸劄親灑宸翰，乞矜愚賜臣，願別加罪罰。上大怒曰：

言既寶君命。何數日不繳。必有殘壞者。禮部卽括取呈進。姑念贊議郊典。革去勲階。少師以尚書致仕。○言官劾顧鼎臣私其鄉人調補。不問。○御史謝少南奏慶都有堯母陵存。乞賜表揚。上曰。帝堯父母異陵。可見合葬非古。少南建白可嘉。改授左春坊左司直兼翰林檢討。○夏言歸行至潞河灣。召還。以爲少傅。復入內閣。○庚申彗見。

五月立興都留守司于承天。統顯陵承天二衛。比中都。○甲申發慈官往葬承天。尚書溫仁和同內使護從靈輅。由會通河遡舟南去。○更選宮寮。就夏言選

內崔銑黃佐羅洪先唐順之皆起廢自家人無異議其周琬所劾八人白悅皇甫濬謫外胡守中陞僉都學士華察胡經屠應垓郎中薛僑主事史際仍守原官科道復論侍郎費宗給事中呂懷黃易皆夏言私親亦命守原官閣臣舉副使徐階爲洗馬考功郎任瀚爲司直文選主事周鈇爲清紀郎兼侍書編修趙時春王同祖兼校書胡守中兼詹寺丞○給事中錢薇奏官寮不宜用奔競之徒不欲顯摘上曰旣云所選非人又不明言何奸如之令削籍

六月丁酉朔雷震奉先殿○御史桑喬劾嚴嵩選諱

字生公行賄賂。當力辯。上曰：卿前所云，今人臣皆觀望禍福，必使人主孤立自勞。此言已盡。給事中吳汝霖劾嵩，飾辭強辯，非體。上是之。令大臣被劾者勿辯。

秋閏七月丁酉，葬獻皇后。○南京尚書霍韜郎中鄒守益各獻東宮聖學圖。上惡其語多回隱，姑宥之。○安南莫登庸遣其臣范正毅賫文自列于沐朝輔。詭言黎民已絕，愿與群臣議，付印其子，令主國事。其不上表者，陳昇據諒山道便，且關吏不納耳。朝輔奏之。上不信，命尚書毛伯溫總制咸寧侯仇鸞爲將。

軍率師進討。○尚書邵元節卒。龍虎山道流也。以符籙倖由致一真人加銜贈少師。謚文康榮靖。○進封郭勛。胡國公。○召霍韜掌詹事府。韜赴京。道遇太監張禧貢鮮舟。還。毀其原符止一舟。而用八艘。挽卒千人。取供郵傳。每傳需銀五十兩。總計二千餘金。韜簿錄以聞。

八月大計京官。計期皆以二月。以上南巡故奏移之。都御史王廷相至吏部。大言曰。郎中費完宜首黜。大學士言聞之。卽爲之請。廷相許之。蓋完女妻言子。子天婦孀。宜言所力解者。旣而殿最吏部諸郎。廷相

首黜史際尚書許讚難之。廷相曰：「際奴顏于夏氏，不黜何以戒庶官？」吾言黜完，正爲際塞夏求耳。讚大服。屯田御史錢籍自知見黜，乃許考功郎章袞。上曰：「籍旣黜，何得稱御史？」第已削籍，姑免流放。○上諭禮部：「權命東宮監國，重務仍奏請。」朕少假一二年調養，親政若初，不敢又取逸耳。太僕卿楊最奏曰：「陛下之自托修養，不過惑方士之言，欲爲仙耳。堯舜之世，無仙人，豈堯舜之智不能學仙？」成孔子謂老子猶龍，卽仙也。孔子非不知老子之仙，不可學也。皇宮內院豈有白日昇天者哉？伏望皇上端拱穆清，恭默

思道以純心契天心。以孝念格玄穹。不邇聲色。保復元陽。不期壽而萬有千歲矣。黃白之術。金丹之藥。不可服用也。上覽疏大怒。廷杖之。最年老。遂歿杖下。

○虜酋青台吉與哈剌那林二台吉駐牧塞上。時竊躡入。叅將賈英見虜少。猝薄之。遇伏發。喪亡將士千人。馬千匹。虜遂大入。掠人畜萬計。總兵江桓不敢出。事聞。奪桓官。○湛若水奏請討安南策。反覆千言。謂不動聲色。自爾平定。欽州知州林希元亦疏用兵策。謂以瓊海之師。擊其南。福建湖廣出兩路。攻都齋。則無巢穴。廣西雲貴兩路。攻龍編。則根本拔。大畧皆紙

上陳言非可用爲謀國者。僉事李默遺書希元曰。欽州非用武之地。君貌非封侯之相。蓋湛林講學附王守仁功名自負者。

冬十月總兵梁震築大同五堡募卒三千戍之。震家卒數千勇悍善戰。虜畏之遠徙。大同遂少邊患。尋震卒收籍僅二百人餘皆走降虜。

十一月南御史黃正色劾尚書溫仁和護送慈宮沿途大爲民害。仁和亦奏正色乘馬過慈宮舟前。上怒逮正色戍邊。○新城知縣吳璦妄納一惑後妻訐子者璦支解其子。御史金清覈其子非不孝以枉狀

聞上怒璦擅磔無辜人廷杖一百發邊戍○句容
人都御史王暉奏句容朱家巷爲帝祖鄉乞覈實
上然之勅應天巡撫夏邦謨等覈訪巷址所在僉
云歲久難覈事遂寢

十二月虜入榆林殺守將宋隆又入宣府守將江桓
不出命逮桓詔獄○有和陽衛舍餘謀襲祖爵殺其
兄子者因命凡遇爭爵相戕雖有別支槩行革襲著
爲令○河南饑

庚子十九年春正月行邊使翟鑾歸以原官入閣○刑
部郎劉汝楠爲湖廣提學御史舒鵬翼劾其所爲文

畔經離道。如白晝魔語。不可以程士乞與近年張鯤江以達一併斥逐。以端士習。特命部議懲戒之。初以達主試福建。汝楠以險語置首解。故鵬翼論及云。○御史馮彬奏曰。薊州一邊起自居庸。延及山海關。橫亘五百里。環拱京畿爲要地。國初置大寧都司于喜峯口外。西聯宣府。東接遼陽。儼然藩屏之重。成祖念朶顏三衛從靖難有功。乃徙都司于保定。而以其地畀之。已巳之變。三衛實包藏禍心。近年益爲窺伺。不可不慮也。宜專遣大臣一人經畧。○御史謝瑜劾嚴嵩每事索賂。惟賄是聞。巧佞誣罔。

二月御使姚虞上流民圖。肅河南勛襄饑民數萬聞
奉天工作悉來應募就役。不能容收餓歿者枕藉相
郵。○霍韜請以薛瑄從祀孔子。不報。○
○命修營舊邸宮殿。

庚卯朔日食。○命營西苑仁壽宮。時所修慈慶
宮景陽宮壽宮離宮皇穹宇崇穹壇奉天殿謹身殿
工皆未完。科道朱憲金燦請停新工以寬民力。上
怒命俟訖工日治罪。○虜寇榆林塞破清平堡入米
脂城殺掠人畜萬計。總兵周尚文弗敢擊。虜退追斬
殘虜以提聞。虜又入宣府塞破馬營諸堡。○湖廣盜

起江華羅川竹谿各嘯聚拒殺主簿巡簡等官

夏四月京城中黃霧四塞忽暴風起西北勢如崩崖
文德坊西長安坊柱俱折命集議防邊科道劾尚書
張瓚貪鄙不稱本兵不報○雜谷刺麻僧日藏統僧
衆千二百五十人入四川求貢都司送十五人至京
貢珊瑚瓊瓊等物命量賞之仍劾違例起送官罪○
沙寇黃良秦璠竊據江陰之馬駝沙時丹陽運道阻
塞漕舟自奔牛入孟瀆達江良璠扼孟瀆口掠漕舟
七殺運卒千人又劫商舶官兵逐之爲其所殺甚衆
轉捕盜官于橋射殺之遠近震駭南科臣楊雷劾鎮

令張璠周寧不濬漕渠致運舟冒險遇寇上

御史王學夔巡江御史胡賓侔璠寧俱

爲總兵駐鎮江慶園璠良于崇明之南

良爲其下所殺○宣府巡撫楚書請營修邊

垣墩臺命發馬價銀三萬予之○御史包節請罷張

璠璠疑爲王廷相所嫉遂訐廷相不宜與道流唐珠

璠往來受其房中秘術廷相亦奏珠璠老年瑱髻璠

嘗稱其預知遷除事而乃以罪臣是同浴而笑僕也

上曰璠廷相俱朕簡用其各盡乃職給事中張堯

年論璠世居京師親屬環布請託日多宜改璠別用

不聽。

五月工尚書溫仁和奏曰。近年大工浸廣。爲費不貲。內自慈寧宮。外自壽宮等役。共用過六百三十四萬七千八百九十餘兩。帑藏已竭。工費無紀。開納應者累月不及萬計。何異掬蹄涔而沃龜坼也。承天所請。又一百七十餘萬。不知何以應之。上命會戶兵二部區畫。

秋七月增湖廣解額至九十人。○虜酋哈刺喚糾俺答。凡祿吉囊青台吉。負十日糧入塞。比報至。虜已過順聖川。總兵白爵遇于水泉兒。敗歸。副總兵雲冒又

敗績于馬連堡。虜駐塞內兩月，徐徐出塞。

八月，大同叛卒李天章、高懷智統夷衆入塞，由井
坪、~~井坪~~雁門破寧武關，入崞嵐，交城、汾州、文水諸
處殺掠萬計。遇大同卒，以所掠道之，求假道焉。山西
巡撫陳講告急，言賊多華人，悉知險易，宜大援兵觀
望，不戰，故敢于橫肆。章下兵部，瓚置之。○虜犯定邊，
適守將醉，虜夜登陴，遂深入，大掠固原。總制劉天和
聞變，率精騎九千馳至花馬池，召醉帥斬之以徇。分
檄諸鎮兵合擊，會天大雷雨，虜弓膠解，馬蹙蹙淖中，
不能去。于是延綏、周、尚文擊其左，寧夏任傑擊其右。

固原魏時障其前。天和大兵躡其後。強弩大礮。四面合擊。虜大敗。斬首五百。驍卒張奴兒殺吉囊一子。捷聞。上大悅。卽軍中加太子太保。子世錦。承千戶。巡按呂光洵陞俸一級。巡按以邊功叙錄始此。本兵張璡加少保。輔臣言少師鑾少保。九月壬子。熒惑入南斗。數日乃退。

冬十月。水土金星聚于角。○南科臣楊雷劾尚書張璡錢如京溫仁和不報。○顧鼎臣卒。贈太保謚文康。

十一月。毛伯溫大集兵境上。諭莫登庸父子皆束身

來歸待以不灰登庸。遣使詣轅門言。願出境歸降。
躬聽。分伯溫許之。約日爲壇于鎮南關內。設幕府。
以待。溫已灰登庸。乃留其孫福海守國。與姪文
明及其下阮如桂等四十人入關。各尺粗繫頸。詣壇
下。匍伏稽首。納款書。復詣轅門。獻所籍土地軍民數
目。還所侵欽州四峒境土。請奉正朔。及舊賜印章。伯
溫宣諭威德。稱制赦之。令歸國待命。○以陶仲文爲
秉一真人。知道錄事禮部尚書。尋加少保。仲文黃岡
人。以吏起家。官海州庫大使。以方術召見。宮中有巨
蟒。仲文以水嚙之。蟒縛劒而灰。以是得幸。

十二月戊午太白經天○上嘗不御朝贊善羅洪先
司諫唐順之較書趙時春請以來歲元日皇太子御
文華殿受百官朝賀上曰朕方疾遂欲儲貳臨朝
是必君父不能起者洪先等狂悖浮躁姑從寬黜爲
民○湖貴之間有蜡爾山東隸鎮溪篁子坪屬辰州
西隸銅仁平頭屬銅仁府西北接川之酉陽初篁子
坪土官田典爵以事繫辰州獄諸苗賂脫之已而興
爵淫虐復逐之遂嘯聚以叛銅仁以苗民負欠租稅
督責土官平頭土官挈印逃諸苗騷然其保蜡爾山
計之不克奉命就家起萬鏜開府辰州

二十一年春正月御史楊爵奏曰天下之患莫大於
厚危爲安實可憂而以爲可樂也去年自夏秋不雨
歷冬無雪憂旱之切遠近所同而大學士言以元旦
微雪爲靈瑞而稱頌之欺天罔人不已甚乎翊國勛
中外皆知其惡使其潛干政柄群小趨附此任用匪
人之過也邇來饑饉相仍小民委命丘壑此誠節用
惜財與民休息之時而土木之興十年於此又差官
遠修雷壇以一方士之故朘民膏血而不卹昔隋以
盛修宮室亡國此興作結怨之過也陛下嘗以敬一
箴頒示天下矣朝儀間闕經筵不御朝參未得一覩

大顏敷奏未得一聆天語。此渙散人心之過也。方士
執左道以惑衆。聖王所必誅者。今乃金紫遍於羽流。
畀以保傳之職。取百世之譏。此損國體之過也。楊最
言出而身亡。羅洪先以言罷斥。忠臣結舌。讒諂盈廷。
此阻抑言路之過也。願念祖宗創業之艱難。思今日
守成之不易。察臣忠恤。賜之施行。上覽之怒。逮之
詔獄。時中外以言爲諱。而爵所論皆人所不敢言者。
爵陝西人。平生清介絕俗。居獄中。惟推演易義而已。
在獄拷掠幾死。尉卒蘇宣私顧之得活。逮之日。京城
大風。人呼爲楊爵風。○大計群吏。參政王愼中以不

謹制籍蓋夏言惡之特旨斥逐云。

二月毛伯溫疏稱莫登庸束身歸罪黎寧譜系不詳乞宥納登庸因送莫文明諸人至京廷議如伯溫言。上命罷其國王號降爲都統使司以登庸爲都統使。

三月錄用舊臣李廷相唐龍等。○賜沈坤等進士。○郭勛信方士段朝用以所煉銀製食器以獻。上悅之。朝用復自進銀萬兩助工。授紫府仙真高士。已試其術不驗。其徒王子巖訐之。執付鎮撫司拷問。而朝用所化銀皆以幻術盜之助帑者也。上由是惡勛。

夏四月辛酉初昏陰雨驟至大雷雹以風忽震火起
仁廟烈風噓之燬其主廷及成祖主亦燬群廟
一時蕪盡獻廟獨存上奉列聖主於景神殿遣
大臣詣長陵獻陵告題成祖仁宗主亦奉景神
殿下詔罪已科道胡汝霖聶靖李乘雲劾翟鑾嚴嵩
郭勛聞災不疾赴救時鑾等方供事內壇先詣災所
令內臣亟捧神主以出汝霖等初未之知上曰群
小乘機中傷可嘆命俱外謫○科臣戚賢等因災變
陳言有所彈劾薦引上曰李廷相戴儒原係科道
所舉乃自相背戾王畿偽學小人專擅薦引懷奸植

黨光令外謫。○李鳳來奏六事。執治體。明治功。正紀綱。廣刑獄。禁暴斂。重水利。張潮亦奏六事。抑奔競。重恩典。惜人機。廣廢遺。公舉刺。懲貪墨。皆採納之。○劉繪奏黃河南徙。徐呂二洪涸淺。乞濬丁家道口。及汶濟諸泉。以通漕。

五月南京國子祭酒鄒守益。自劾求退。命削籍去。○雲南人錢世賢。初以福建僉事。賊敗。爲御史。包節論黜。及節按雲南。世賢率僮路辱之。節以聞。命收世賢論。戊。

六月莫登庸死。以制命授其孫福海。伯溫班師已而。

福海不能輯衆爲黎寧所逐居南海上朝廷置不問
秋七月晉府宗人表相秦府宗人惟熿各以賂嚴嵩
求襲已絕郡王邏卒執晉宗行賂人晉府故郡王妃
使人擊登聞鼓奏訴上令行撫按勘實嵩不問○
朵顏酋革蘭台求益貢革蘭台把兒孫兄子也時時
寇掠漁陽邊人不得耕牧至是挾北虜求益貢毛伯
溫奏請許之○夏言罷

八月 昭聖皇太后張氏崩上謚曰孝康敬皇后
九月京山侯崔元成國公朱希忠並召見燕語元乘
間發郭勛罪惡上領之都察院奏其奪軍民田廬

上怒令勛自言狀收其黨孫澧鞠問詞連駙馬謝
詔英國公張溶惠安伯張鏞都御史胡守中亦劾勛
怨望不忠輕勅書不欲領受勛三上章自理曰臣實
不敢怨望刑科臣高時復言勛罔利無厭奪故太監
蕭敬莊田值金二十萬奪太監魏彬田廬太監韋霽
審瑾田園各值二十餘萬至於結納亡命託爲腹心
滿事婪財軍民切齒春秋更卒領班官各索贄金而
又私役京卒裒取月廩張延齡包藏禍心勛與交通
爲之經紀其家存心何爲上曰勛受朕恩眷出群
臣上乃交結逆囚槩可知矣卽逮繫按覈以聞○吉

遣我叛人石大爵來求入貢。上疑之，廷議以

繼祖總督宣大，發銀九十萬兩，遣官從繼祖調度，紀

驗。上勅天爵至鎮，繼祖縱天爵逸去。吉囊遂率衆

入塞，三關總兵丁瑋逆戰於右胡嶺，殲之。虜入關，遊

擊周宇禦之於侯城村，亦戰殲。虜遂越太原而南，殺

掠人畜數萬。京師戒嚴，吉囊出，俺答復入，大掠石州。

繼祖坐守不出。周尚文邀吉囊於黑山，殺其子滿罕。

冬十月，夏言初以議太子母服制忤旨，削官。至是，上

禦虜十四策，復命以少傳入閣。○南科道王燁劾張

瓚與郭勛同罪，章下部。○郭勛下鎮撫司行五萬金

賂署司孫綱。綱爲錄纖微事。傳爰書以上。尋下刑部。郎中錢德洪據綱所簿。予以輕比。尚書吳山從之。掌都察院毛伯溫劾綱納賄行私。如勘大罪非一。皆隱飾不舉。情本故出。法當並論。山惟憑成案。德洪事理不達。俱宜加懲。命逮綱付部。德洪付鎮撫司。山奪俸。山吳江人。非。禮部吳山。○初鹽法開中。有常股法。需次支掣。有

存積法。以待不次之需。皆商人輸金邊幣。就運司掣鹽行幣。既而有餘鹽法。令輸金運司。就場收鹽。與常股鹽並掣。夾運以鬻。自餘鹽行而存積廢。運司積無幾。而邊幣日虛。良法益壞。戶兵部集議請設都御史。

一員專理四運司鹽法。科臣郭鑾言官不必設。宜革餘鹽。上曰。變壞成法。起於餘鹽。私鹽充斥。邊餉不充。職此之由。卽禁革之以復舊法。戶部覆查兩淮六十九萬六千三十引。兩浙四十四萬四千七百六十九引。長蘆六十萬五千三百四十八引。近歲增派悉除。○御史浦鋹按陝西。至富平。得楊爵事母至孝。居鄉峻潔。大行時。爵繫獄未釋。鋹上書爲爵申理。上怒。命官尉逮之。○戶主事晉江周天佐亦疏救爵曰。陛下以盡言直諫爲小人。則爲緘默逢迎之君子。不難也。疏上。詔答六十。下獄守者梏之。絕食三日歿。

以急病聞。時天佐弱冠甫娶。柩成。屍棺置寺。民有張弼者。素不相識。奠而哭之。聞者悲嘆焉。明年正月。浦鉉亦逮至。詔笞一百。與爵同。樞鎖七日。成。○南科王燁奏曰。張瓚嚴嵩胡守中。皆與郭勛結納。互爲奸貪。守中近因勛敗。抗疏列勛。始附勢以罔利。終尾敗以脫禍。此小人之尤。而任以薊州兵務。不堪也。

十一月。命侍郎張漢賑山西被虜州縣。○副使胡松上禦虜十二策。內有條議充實三關兵馬。上善之。吏部轉松爲叅政。在三關備用。自行已策。然叅政無兵柄。竟以不效斥罷。蓋當事者有意擠之云。○陝西

人劉達殺人亡命虜中爲酋真定人王儒被掠去歸達部下易名哈兒爲達訶事塞內都御史曾銑執之○刑部再論翊國公郭勛殺人斬罪長繫待決尋度死獄中當上南巡時勛與顧鼎臣居守獨勛不受中外餽遺爲人所難故上終念之

十二月逮胡守中詔獄初守中以御史扈從南巡頗著風力尋郭勛薦其才進副都御史兼詹事嬭事勛收孫淮極其諂見勛敗復反誣之薊遼督臣缺上簡用守中以兵侍郎兼詹事往建來遠樓藉以威虜盡砍潮河川樹木撤喜峯口藩蔽自詡爲功請上

賜樓名。上命御史查覈禮科章允賢劾之。且言其拜勛爲義父。出妻相見。遂下獄論死。斬於西市。○南城民李華妻胡氏。其姑易與隣人私。欲并汚之。胡不從。爲所掩殺。事聞。命立祠。賜額致祭。

壬寅二十一年春正月。吏科徐熿奏。劾邊撫陳講。史道龍。大有徐嵩。孫禴。巽懦無用。可爲寒心。總督樊繼祖擁百萬之餉。連四鎮之甲。坐視應。朔任虜出入。非以身殉國者。若山東巡撫曾銑。山西叅政於敖。副都御史張景華。原任都御史韓邦奇。陳九疇。試有成效。不敢厚誣。天下無人也。宜去者不去。宜用者不用。是爲

可憂耳。疏下兵部，寢不行。○議修大同邊垣，龍大有謂外邊遠不可築，內邊又難爲力，俱乞停止。兵部覆曰：邊牆界限尺寸皆金湯，圯壞年久，永無恢復之日矣。河套棄而陝右多事，西海棄而甘肅多事，大寧棄而薊州多事，三岔河棄而遼東多事，不可不慮。上曰：修邊乃防禦要務，但去歲虜得利去，茲秋必來，宜以整兵爲急。

二月，樊繼祖罷。陳諱史道俱削籍。○召翟鵬還。○虜掠蘭州。○城臨清從曾銑奏也。

三月，以邊報踵至，復命翟鵬爲兵部侍郎總督宣大。

夏四月翟鵬至鎮以餉爲請大學士言謂樊繼祖買積芻粟尙未動支如何存在空虛命覈之科臣楊傑奏曰宣大二鎮內發帑金不爲不多而胡守中華漁獵其間是宜詳覈但鵬奏孔棘俟覈明接濟恐客兵變生不聽中旨復罷鵬革總制官

五月清紀郎周鈇請豫防虜不報鈇尋謫外○御史戴維帥以事笞兵馬碎其所懸牙碑兵馬奏聞上以御史不諳憲體謫都事兵馬居職如故時上嚴明故典刑秩然若近來卑官如所爲則臺省其魚肉之矣

上僉答入大同塞時吉囊已死其子板不孩居套
中小王子不及兒駐威寧海上僉答糾之入經朔州
破雁門關掠太原而南京師戒嚴○夏言有罪上
爲諭一通刊示臺諫畧曰朕承天命裁理天下求一
真才夾輔不可得夏言脅君助惡縱恣成性往歲令
高忠代獻玉器又獻女子朕詰忠曰祖宗家法何如
爾敢交結文臣耶言又於禁中乘輿詰之乃云橫板
臥以香葉巾皮帛履賜言乃拒不受朕不早朝言亦
不赴內閣王言慎密豈宜人臣視如戲具此等鉅惡
言官豈有不知不聞糾發於是科道沈良才喬佑等

總疏劾言言亦上疏自劾遂削籍去

秋七月己酉朔日食既○復以翟鵬提督宣大偏保
○廷議懸賞格斬俺答頭者予千金無應者俺答擁
衆越太原列營汾河大掠州縣時翟鵬未至我師連
營不相統攝皆觀望不戰虜大衆駐平遙介休間散
騎入山落中擄男女牛羊衣襪迤邐就大營莫敢邀
擊者○虜整衆且歸副總兵張世忠自侯城村躡之
力戰諸將閉營莫援虜集精騎圍之世忠衆果剗步
闖虜衆亦死傷會世忠軍矢及火藥俱盡短兵接虜
益集團世忠腦中二矢死部將張宣張臣皆死○虜

乘勝分掠定襄五臺乃從廣武出關自大同左衛及陽和塞去駐內地三十四日掠三十八州縣○大計臺諫官共七十三人奪級補外

八月以嚴嵩爲大學士仍掌部事科道沈良才童漢臣劾嵩貪淫猾惡以爲輔臣是小人而乘君子之器也南京科道王燁陳紹等各劾嵩貪婪久著若處具瞻之地是樹天下之貪標也不報○下西災惑掩南斗

九月吏部許讚以邊用不足請復開餘鹽○部李汝圭議可詔行之○工部郎劉魁請緩雷殿工作杖四

十繫詔獄

冬十月御史謝瑜疏言堯舜誅四凶以幾百年之治

陛下於四凶已誅其二矣所謂四凶郭勛胡守中

張璘嚴嵩也○科道童漢臣伊敏生駙駙劾嵩不已

嵩乞罷上勉留之○官婢楊金英等候上於熟

寢以粗束喉幸誤爲灰結喉氣得不絕張金蓮走告

皇后后馳至解組上乃獲甦后命太監張佐高

忠捕訊得金英同謀八人首謀則寧嬪王氏也端妃

曹氏有殊色爲上所鍾愛實不與謀而關及之人

以爲寃張金蓮事露方告更有徐秋花等數人翌日

上猶不能言。后傳命悉磔於市。按古婦人無刑。刑亦不在市。時變起倉卒。促成於中宮。法司不得爭也。上後知妃死。念之。族金英等家。

十一月張瓚卒。以毛伯溫代爲尚書。伯溫以瓚有貪。開諸邊類多債帥。乃上疏禁將領掊剋營伍。命刊榜禁諭。

十二月司業王同祖請改元以延聖曆。上惡其佞。黜之。

二十二年春正月丙午朔日食。○給事中陳棐請行大闢大射禮。命寢行。

給事中蘇應旻言。太監以南賦役煩重。災害相仍。乞免差官驗擾。勅撫按如式督造。不報。

夏四月。嚴嵩解禮部事。嵩既入閣。百官有所建白。必先白嵩。嵩諾而後敢上。於是苞苴爭轆其門。翟鑾不能奔走群競。而以位軋嵩。二相於是有隙。是時邊鎮文武賈啓周尚文不相得。上命奪尚文一階。改啓別用。而翟鵬與張鳳。趙廷瑞與尚文復不和。上皆兩責之。給事中周怡奏曰。風教之大。禮讓爲先。大臣有動色之爭。則攻闕之禍流於下。今鑾嵩憑藉寵靈。

市恩修怨。各私陳背詆。是大臣已不和矣。嵩威靈氣
焰。凌逼有司。中外之臣。不畏陛下。而畏嵩。鑾勢不足。
驅人而名位足。爲嵩閤。尚書許讚。世掌鈐衡。小心謹
畏。不能銷權勢。要求之心。靡亦甚矣。大臣不和。則儉
邪乘間。非國之福。邊方警急。而文武大臣不相和同。
其不償事敗謀。吾不信也。上曰。怡謂群臣不和。負
君兆禍。其言良是。第謂朕日事禱祀。不務和德於上。
心主訕上。下詔獄。○尚書許讚疏。訐鑾嵩囑托。以所
與選郎王與齡書封進。曰。臣等抗違罪積如山。權奸
主於中。而鷹犬和於外。臣等不爲選郎王嘉賓之達。

黜得爲御史謝瑜之回籍辛矣。伏望省論二輔渾厚博大容臣等少盡職業。上手批曰：所奏固欲革求免之意。汝等果一帖不受，亦不必有此訐發。縱獲私賄，但當奏決，何爲便言曰權奸？中引嘉賓瑜之名，懷私忿怨明矣。必王與齡協持報復耳。與齡着爲民衛帥，阿嵩意遣官崔偵與齡與齡辭朝後還寓所，惟瓶罐數器遺之隣人，徑上馬去。相與喟嘆爲奇男子。秋八月虜入榆林。

九月張壁尚書禮部。○嚴嵩摘山東試錄中諷上語奏之。命逮監試葉經至京杖之。死於闕下。經蓋嘗

以受表袖惟憶賄効嵩者。

冬十月虜入陝西○旌石州歿難民十三人孝子張
均父爲賊殺抱父屍泣三日歿張丞相負母以逃爲
虜所執與母俱歿于博母爲虜得博奮氣取石擊賊
母得逸去賊剖博心殺之張永安持挺救父父逸永
安被創歿溫繼宗護父棺力戰中矢歿白氏郭氏擊
賊救夫創歿吳氏馮氏賀氏溫氏被執不屈歿李氏
從夫歿皆一時著奇節云。

十一月復太廟合饗制○削貴州巡按魏洪冤籍亦
坐試錄訛舛也。

甲辰二十三年春正月徵諸鎮兵戍大同

三月賜秦鳴雷等進士

夏六月熒惑犯南斗○刑科臣王交王克日奏劾詹事江汝璧修撰沈坤編修彭鳳歐陽喚員外郎高節朋私通賄大壞制科大學士鑒二子汝儉汝孝聯中鄉會崔奇勲焦清同業師友四人俱在鳳房喚助鳳尋卷及坤之取陸燁節之取彭謙汪一中皆以納賄并論順天主考秦鳴夏浦應麒阿奉鑒罪上怒嚴責杖汝璧鳴夏應麒六十革職鑒及二子削籍蓋嚴嵩嫉鑒位已上故嗾言官論之陸燁乃受職舍人非

試職也。冒進科場連中卒以都督炳弟陰庇之竟免奪名雖聖主無奈權臣何也

秋七月加陶仲文少傅兼少保

八月許讚張璧爲大學士熊浹尚書吏部費案禮部九月虜入大同塞翟鵬却之○朶顏侵薊州巡撫許論擒其導賊斬之○虜潛令叛人入京習發佛郎機獲誅○巡撫朱方請撤諸鎮防秋兵

冬十月虜大入關塞翟鵬不能禦上怒朱方請撤太早命逮鵬及方尋杖方及郎中韓勗於廷方勗俱成鵬與毛伯溫削籍以翁萬達總督宜大軍務

十一月加陶仲文少師兼傳保。○叛卒王三指揮王鐸子吉囊妻以部女。頻年爲虜導悍甚。軍卒劉伏玘與三舊識。僞爲酤酒業。移家塞垣下。誘三下馬歡飲。醉而縛之。并其黨三人。邊害遂除。巡按李天寵以聞。詔磔之。傳首各邊。上歸功玄威。故加仲文官。十二月戴金尚書兵部。○萬鏜征湖貴苗。四年不能克。乃誘致苗帥龍某來見。龍要千戶爲質。乃來鏜執而殺之。苗亦殺其千戶。因遣所隸土目詣巢撫之。稿以牛粟仍官其魁龍許保。遂奏苗平。班師。

乙巳二十四年春正月廿。肅總兵咸寧侯鸞捷奏至。自

言一日五捷斬吉囊子狼台吉兵部疑之請行勘覈
上特加鸞太子太保○山西巡按陳豪奏曰北虜
三犯山西殺掠百萬此不可以常寇目也二三年間
來則未能拒之去則未能擊之何用六百萬帑金之
費諸臣建議不過曰屯守險隘而已不知虜衆皆攀
巖蠃附而來邊垣又何足恃多我亡命爲嚮導星術
機械咸足爲彼區畫無復忌讐患將何底止○戴金
罷唐龍代之

三月大計京官○收原賜勲戚福德寺等旅舍
夏五月壬戌朔日食○嚴嵩恨王輝前劾令所私尚

寶玉諸傑。貽書考功郎薛應旂。使黜之。應旂執其使。欲奏聞。尚書張潤止之。已而傑以前任南兵部。穢迹黜。有常州守符。驗亦坐前任御史事。黜。嵩乃令御史桂榮劾應旂。以私怨。黜常州守。應旂改外。○楚王顯格素薄。其世子英燿。雖服飾鮮麗。必責跪伏。汙壞之。積釁非一日。至愛妾復生幼子。漸有奪嫡之勢。而英燿狎比群小王。先以燿匿奸宮人。杖殺陶元。又以燿潛納樂婦。欲殺劉金。群小皆懼。勸燿先發。謀以上元邀王賞燈。集其黨田堯張六兒。軟血盟。執銅瓜木挺。蒙以假面。伏緝熙堂後。日甫申。王至。酒數行。從者以

次設食引去。燿令放砲。金等從王後擁出。六兒以爪碎王首。椎挺亂下。立處。王從者朱貴告變。通山王英。炊陰奏燿弑逆。詔駙馬鄔景和等按之。武岡王顯槐具揭燿如通山王言。獄具。告於皇祖。斬英。燿燬其屍。

六月。允給事中陳棐奏。撤去帝王廟元世祖神主。及其臣木華黎五人。并去南京廟中世祖像。削宋訥所撰碑。初修撰姚涑請罷世祖祀。禮臣言世祖一代之治。有足稱者。自古帝王優崇勝國。以昭忠厚。太祖膚斷。必有所見。遵舊制便。至是以邊患故。始議撤。

徐學謨曰。歷數之傳。雖有華夷之辯。要皆天命所屬。雖曰夷狄。自不能廢之矣。宋人正閏之說。尤爲無謂。

秋七月。太廟成。復同堂異室之制。卜日奉安神主。序昭穆。皇太子攝行祀禮。御史周冕請上親饗。上以其違命。下詔獄。○套虜二萬騎。自寧塞堡潰牆入。殺掠人畜數十萬。時延綏游兵俱徵赴宣。大防秋。故虜入無禦者。詔逮總督張珩。巡撫張子立。謫戍。八月。虜寇大同。○張壁卒。

冬十一月。大學士許讚以王與齡事與嵩有隙。及進。

內閣心不自安。屢疏乞休。吏尚書熊浹自諫仙忤旨。上屢以事督過之。奪俸者再。亦稱病乞休。時上於西苑久不視朝。常疑人訕之。見二人求去。大怒。命護開住。浹爲民。○山東巡按鄭芸奏。成事許達前在樂陵禦寇功。進其子千戶瑒世官一級。

十二月召夏言入閣。有勸言勿出者。言不聽。○唐龍尚書吏部。路迎兵部。○楊爵周怡劉魁久繫獄。有仙降箕請釋三人。上允放歸而尋悔。命復逮之。爵至家方一日。按至。爵曰。吾知之。卽與同飯。飯糲不堪。爵啗自若。食已立屏前曰。有青逮吾行矣。卽攬袂行。與

怡魁復同繫。又三年冬日，爵籌易與怡魁飲，曰：須盡此杯，明日出矣。是日大高玄殿火，火中恍呼爵名者，遂併釋爲民。爵歸，有異鳥集里舍。爵曰：大鳥至矣，其爲我乎？自爲墓誌而卒。爵嘗求父母誌文於呂柟，單騎行百里，不享一飯，俟脫稿徑去。

丙午二十五年春正月，南科臣游震得言：考功郎薛應旂公忠任事，不避怨尤，而以謗譏補外，非所以勸勤也。尚書唐龍覆言：應旂疾惡去姦，昭然耳目，詔復京秩。

夏四月，指揮陶鳳儀歿於賊。鳳儀曾祖成，按察副使。

祖魯布政使。世以蔭叙。用軍功顯名。以歿殉事者。○
保德州崔鑑。年十四。其父私於隣婦。逐其母。鑑忿。手
刃隣婦。獄具。上特免鑑罪。○湖廣巡按包節。抑太
監廖斌之橫。杖殺其所庇豪周章。斌遂奏節謁陵。不
以元旦進膳。不行旁立。爲大不敬。奏發而節始奏斌
前事。上怒其抵飾。逮京問戍。
六月。路迎罷。陳經代之。

秋七月。戶尚書王杲請收山場湖陂河道之稅。以濟
邊用。○文選郎高簡引用私黨何遷。茅坤爲給事。楊
上林劾及簡。出補叅政。御史陳九德追劾之。命逮

獄論戍尚書唐龍坐削籍○虜入保安塞大掠延慶
總督曾銑請復河套條八議以上○周用尚書吏部
八月甘肅巡撫傅鳳翔初爲叅政時畫圖著論籌邊
遂擢僉都御史不兩月而改江西給事中楊宗器劾
之言其借籌邊以躡取巡撫而一籌未布遽改內地
宜黜之以抑巧競

九月西番貢使八百餘人入嘉峪關傅鳳翔不知所
計館之於甘州鳳翔去楊博代爲巡撫始疏聞上
命量留數人餘令出關奪鳳翔俸○罕東屬夷舊爲
土番所逼內徙入關王瓊處之肅州近郊漸爲民患

巡撫楊博召其酋長善諭之爲之擇水草善處禁白
城威虜金塔諸城去塞五百里諸夷樂徙積患頓消
○河西屯地久廢博請於朝墾舊畬者勿科租佃者
貨牛噐穀種人爭應令跡龍首渠故道分疏支漬墾
田萬餘頃簡壯卒田之謹烽燧勤偵候虜不敢輒至
嘗一入寇拒塞上不得入斬虜首四十餘級

冬十月虜寇遼陽

十二月尚書陳經覆議曾銑復套疏上曰虜據河
套久爲內患曾銑所奏其見壯猷還令同鎮巡官務
求長策暫發銀二十萬兩以爲邊餉造械之用○代

聖謂充灼當有天下爲之畫計召虜酋小王子兵入
以大同城居之遣兵攻雁門其黨王廷榮內應取平
陽立充灼爲主將胡兵四討然後計殺小王子充灼
以爲然使廷聖出約廷榮刻印曰天子師俊棄俊核
各受令造火箭燒城外各草場二日內六處火起總
督翁萬達疑之緝捕四門驗治其黨次仲太知衛奉
曉虜語使誘小王子奉至威寧海遇小王子部察罕
兒與之約還告充灼使張文博爲表并所置一色旗
令奉持往總兵周尚文行邊詢知有四人出惟而追

之及奉於榆林口得其表文旗幟萬達密啓代王收
充灼等而分捕叛者廷重仰藥从械充灼俊桐等八
人至京勒令自盡燬其屍俊棄等發高牆逆黨悉磔
○張延齡胡守中棄市○加周尚文太保翁萬達左
都御史

丁未二十六年春正月山西巡撫楊守謙疏請經理營
田以充兵餉

二月福清民馮淑等三百四十人收糴綺諸貨泛海
往日本貿易鬻大風飄至朝鮮爲候吏所執以白國王
王使使送至遼東巡按張鐸奏聞上令御史查覈

福建海道官奏處

三月諭吏部曰邊方多事任用要在得人爾部留心選用撫按不時刺舉以憑黜陟其別立選用陞遷資格○賜李春芳等進士○汶上民田斌其妻通於妖僧惠金嘯聚數千人流劫曹濮間黨與日衆

夏四月四川白草巒作亂全蜀震動總兵何卿討平之○僉都御史楊宜提督南京糧儲物議沸騰科臣張汝棟劾去之華督儲都御史○俺答求入貢總督翁萬達奏之御史黃汝桂言虜情狡詐貢亦寇不貢亦寇上命絕之各邊嚴兵防禦○田斌流劫日久

南掠徐宿治河役卒格鬪敗之追兵繼至乃就擒山
東趙撫何鰲以聞上責鰲不能解散以至騷動河
淮不准行賞逮下詔獄尋削籍

五月曾銑出塞襲虜馘斬二十六人生擒一人奪馬
牛九百五十夷器八百初銑春中掩虜喪失甚衆匿
不敢聞至是以捷聞上嘉賞之○科臣馬錫劾奏

戶尚書王杲巡倉御史艾朴私受運司官黃正大賄
委員外余善紀稱納低銀上怒下杲朴詔獄問杲
辯奏善紀所收八萬六千退出萬一千低銀並未呈
部通賄事乞與該科面質戶科臣厲汝進等言兩淮

解銀之初副使張祿廣通關節如太常少卿嚴世蕃
總督尚書王曄皆有請託宜窮治太學士嵩疏言汝
進等欲以贓罪污職臣故借臣子世蕃肆其巧詆
上怒杖汝進八十餘杖六十降邊縣典史張祿王曄
黜爲民果朴邊戍善紀降一級調外果死於戍所人
皆冤之

徐學謨曰果素稱謹厚而嵩護其子乃委罪於部
臣至激上怒九卿之體陵夷盡矣刑尚書聞淵
雅負物望亦惟阿肯成獄而已後來權臣類揜子
惡傾家敗俗而不顧惜哉

刑用卒聞淵尚書吏部○吏科臧珊言會推大臣務
求詢謀僉同尚書毋得自執吏部請從其議上曰
用人係吏部職掌毋得輒先論列待其不効指實具
劾

徐學謨曰萬曆以來京堂缺吏部密請於首輔其
人已定則具揭通送閣下明旨會推止應故事而
已弘治間吳寬以尚書管內閣話勅會推吏部寬
辭曰久在間局不能關防萬一蒙簡是速敗也於
是吏部別推可見當時閣臣原不預部事送揭之
例起於嘉靖然吳山在禮部未嘗以一揭送閣隆

慶後絕無矣。

山高安人

六月加陶仲文特進柱國兼支大學士俸。○南京守備太監丘得爲科臣雷賀所劾命充淨軍。○曾銑劾總兵仇鸞科歛士卒阻撓軍機。上以秋防在即命奪俸。○命朱統巡撫浙江兼攝福建。統未至而倭船百餘入船寧波台州有衆數千登岸殺掠。巡按裴紳以聞勅統嚴泛海通番。○朱統至浙微知沿海大姓皆利番船勾連主藏貴家尤甚。凡夷舶至爭致其家虛值轉鬻其貨牟利潤已久不歸值。夷衆怒時時構難有所殺傷。統下令嚴海禁。凡雙檣餘艘一切毀之。

因奏言去外夷盜易去中國盜難去中國群盜易去中國衣冠之盜難列貴官家渠魁姓名請戒諭不報秋七月延綏守禦官李越誘殺貢夷貢夷遇伏發沒軍甚衆巡按盛唐奏收越等鞫訊論越及裨將陳守節各斬

冬十月曾銑會同三邊巡撫謝蘭楊守謙王邦瑞及三鎮總兵叅酌復套方畧上聞因上營八圖及河套輿地圖上嘉與之○兀良哈糾建夷寇遼東○巡城御史陳其學劾奏錦衣都督陸炳蠹亂鹽政復劾崔元縱容廝養權取官鹽大學士言欲下捕治炳

權行金求間不得。乃長跪輸罪乃已。下旨令炳元各
自言狀。各服罪乞恩釋之。○陝西澄城山崩。分馳東
西三四里。○仇鸞鎮守甘肅。前以銑奏奪俸。益狂悖
無忌。銑復奏曰。將官有地方軍馬之任。而鸞自副總
兵而下。索兼金寶馬以百千計。又侵尅衛所月糧。并
班軍銀兩。私役軍匠。日且百人。去歲果園堡之捷。輒
報狼台吉爲我敵。今狼台吉故在也。隨從輿臺盡帶
功次。一鎮洶洶。上大怒。命逮至京訊。巡按張甘雨
奏鸞大失番夷心六事。巡撫楊博奏鸞貪暴三十事。
兵部覆奏八命十餘賊私鉅萬。詔御史覈實具狀。

十一月乙未望日方氏用議請孝烈○諭曰虜虜
臣等皆年念無任事之臣一願選之曾銑所上方
其以中解酌即結忠以圖廓清

嘉靖汪家三子卷終